



Jim Blue Jacketstraat 2
San Nicolas, Aruba.
Tel: 5845089/5847904
WhatsApp: 5601444
E-mail: stpaulusschool@skoa.aw
Web site: www.stpaulusschool.org



Newsletter 9, fecha 20 juni 2025

Despues di un cordial saludo nos ta duna mayornan algun informacion importante.

Recta final.

Nos a drenta den e ultimo simannan di aña escolar 2024-2025. Otro siman e ultimo test y pruebanan lo tuma lugar. Despues lo sigui cu 'rapportbespreking'. Muchanan cu nan rapport 3 sali insuficiente pa bay e siguiente klas nan mayornan lo wordo invita pa un combersacion personal. Cada klas lo tin actividadnan den klas y tambe tin algun actividad riba nivel di scol. Mayornan lo haya un carta separa pa e actividadnan aki. Ultimo dia di scol y entrega di rapport 3 ta diaranson 9 di juli 2025.

Prome dia di scol 2025-2026.

Prome dia di scol pa aña escolar 2025-2026 ta diaranson **20 di augustus 2025**.

Pago aña escolar 2025-2026.

Pa aña escolar 2025-2026 e suma di schoolgeld y aircogeld ta keda mescos. Ambos cuenta mester ta completamente paga prome cu scol habri bek den augustus 2025.

Reinscripcion 2025-2026.

Reinscripcion pa aña escolar 2025-2026 ta habri den SAS. Pa reinscribi e cuentanan di **2024-2025** mester ta paga. Si tur cuenta ta na ordo lo haya un boton blauw pa por sigui. Si tin cuenta di schoolgeld of aircogeld lo haya un notificacion cora y mayor NO POR reinscribi. Mayor mester hasi pago prome y manda nos e comprobante di pago di schoolgeld y aircogeld pa nos registra esaki. Sin esaki mayor no por reinscribi cu consecuencia cu e mucha lo perde su cupo na St. Paulus School. Si hopi mucha perde nan cupo na St. Paulus School, esaki por tin consecuencia cu lo por sera un klas completo y e ora e sobra di muchanan, hasta esnan cu si a reinscribi, lo wordo ubica na un otro scol. Mayornan cu tin dificultad pa hasi e pagonan di schoolgeld y aircogeld online por pasa scol y nos lo ricibi e pagonan aki cash.

Nos tin registra den SAS cu 50% so di nos muchanan a reinscribi.

Nos ta hasi un suplica na mayornan pa reinscribi inmediatamente !

Dia di San Juan.

Diamars 24 di juni 2025 ta Dia di San Juan. Esaki lo wordo celebra riba nivel di klas.

Dia di San Pablo.

Diamars dia 1 di juli 2025, nos lo bay misa pa celebra dia di nos patrono San Pablo (29 juni) y clausura di aña escolar 2024-2025. Riba e dia aki e muchanan NO mester bin cu uniform, pero por bisti paña netchi y decente. Pa 8.00am nos lo cuminsa cana bay misa. Corda manda e mucha cu algo pa e collect. Tambe lo ta bunita pa manda e mucha cu 1 comestibel cu nan mes lo hiba dilanti durante e ofrenda. Mayornan ta bon bini pa asisti na e misa hunto cu nos.

Sperando di a informa mayornan suficiente mi ta termina cu cordial saludo.

Atentamente,


Men. Randy Arends.
Cabesante.

